

Primavera nel Botánicu 2024



Xixón



AXENDA

Primavera nel Botánicu

Aporten los meses col tiempu más impredecible del añu, y con ellos tamién una españu de vida qu'enllena'l Botánicu de soníos, colores y golores. Esta primavera vien cargada d'actividaes tan variaes que nuguamos porque tolos públicos alcuentren a lo menos una razón pa venir a esti espaciu tan queríu na nuestra ciudá: gastronomía, esposiciones, documentales, herbarios, poesía, música... Y amás, el Xardín nel so esplendor primaveru.

Imposible perdelo.

Xixón



PROGRAMA

Primavera nel Botánicu

INFORMACIÓN XENERAL

- Aforu limitáu en toles actividaes.
- Actividaes familiares: máximu 2 adultos por cada menor.
- Más información nel **Tfnu. 985 185 130**

INSCRIPCIONES (a partir del miércoles 3 de xineru a les 10 h.)

- Talleres (necesariu DNI) en:
<https://actividades.gijon.es/ACTCursosEspeciales/Oferta.do>
- Visites guíaes Las aves del Botánicu y visitas especiales: nel **985 185 130**

PAGOS

- El plazu pal pagu de l'actividá ye de 1 día dende la fecha d'inscripción.
- Nun s'almiten cancelaciones nin devoluciones sacante anulación de l'actividá per parte de la organización.

INFORMACIÓN IMPORTANTE PA LES INSCRIPCIONES

- **Talleres familiares:** nel casu de menores que nun tengan DNI, pueden inscribise col númberu d'una persona adulta (que nun tea yá matriculada na actividá), siendo necesario contactar dempués col Botánicu, nel tfnu. 985 185 130, p'avisar y dar los datos del/de la menor.
- **Ye necesario inscribir de forma individual** a caúna de les persones (tanto adultes como menores) que quieran participar na actividá.
- N'acabando'l procesu d'inscripción a les actividaes y depués de facer el pagu, la plaza va apaecer como CONCEDIDA y va tener un númberu de solicitú asignáu. Si la plaza apaez **EN RESERVA quier dicir que quedó en llista d'espera**. Si hubiere una baxa, contactaríamos con esi llistáu per orde rigurosu d'inscripción.

NORMAS

- El públicu inscriteu ha presentase 10 minutos enantes del taller.



marzu

19 al 31 de marzu

Actividá especial Día Mundial del Agua 2024

Pónlu: EMA

Xixón da un pasín más hacia una inclusión real convidando a 9 artistes con diversidá funcional a que diseñen una pieza individual y una coleutiva inspiraes nel lema de Naciones Uníes pal Día Mundial del Agua 2024: "Agua pa la paz".

Les pieces, que sirven de base pa la campaña institucional, van poder vese espuestes estos díes nel Xardín Botánicu Atlánticu, onde se ficieron.

/ Entrada gratuita del 19 al 22 de marzu con motivu de la exposición: 10 Oasis, con Colectivo Berde y Raquel Sakristán.

SELMANA SANTA

Sábadu 23 al domingu 31 de marzu

La busca del Güevu Pintu Xigante

Repartíos pol Botánicu hai 6 güevos enormes que tienes qu'atopar. Xunto a cada güevu vas alcontrar un pista que va ayudate a resolver la cosadiella que s'escuende nun cuadernín que vamos date a la entrada, y que vien enllenín d'actividaes.

23, 28, 29, 30 y 31 de marzu

Les histories del Güevu Pintu, con El Circo Bajo el Tejado

El mio nome ye Pietro Ataulfo del Camín, aunque me llamen toes y toos Pitu Caleyá... Gallu mui conocíu en cualesquier requexu d'Asturies y tamién fuera d'equí.

Nun quiero adelantame, que lo primero ye lo primero, y aunque depués vos preguntéis, si foi la pita o... pues eso... güei voi cuntavos lo que dependí nos míos viaxes y tolo que sé sobre'l güevu.

Horarios:

12.30, 13.00, 13.30 / 16.30, 17.00 y 17.30 hores

Los díes 23 y 29 el cuentu va facese n'asturianu.

(Duración: 20 minutos)





23, 28, 29, 30 y 31 de marzu / 12.00 a 14:00 h

Taller familiar: Pintagüevos

Pónlu: Jarana05

Familiar (> 4 años)

Tres de sentir les histories del Güevu pintu, vamos embarcanos nun xuegu familiar mui prestosu pa buscar pareyes de güevos de pascua ente los arboles del Xardín de la Isla y depender munches coses sorprendentes d'estes plantes. N'acabando vamos dexar tiempu pa que puedas decorar el to Güevu Pintu.



abril

Sábadu 6 d'abril / 11:00 a 13:00 h

Ye tiempu de...primavera y flores

Pónlu: Escuela de cocina Kokomo (@kokomococina)

Persones adultes

La única constante son les flores en primavera. Nesta ocasión Alex Crespo propónnos llevar flores hasta la cocina, col menú que sigue:

- Primavera en canelón sobre crema ácido d'azafrán.
- Llenteya caviar, caléndula y xeraniu.
- Trufa eléctrica de chocolate blanco y acianu.
- Llimonada de roses.

N'acabando'l taller vamos probar tolo qu'iguamos. Inclúi temariu impresu de les recetas pa cada persona asistente.

Domingu 7 d'abril / 11:30 a 14:00 h

Cocina cola güerta de temporada

Pónlu: Pilar Vega, de Desfaciendo Maíz

Familiar (> 6 años)

Aporta la primavera y la güerta asturiana úfrenos una carta vexetal pervariada de productos cultivaos pola propia Pilar que va incluyir una ensalada primaveral de frésoles y carne a la boloñesa. Vamos acompañar el nuestro menú de temporada con un postre de quivi deliciosu. Lo qu'igüemos vamos llevalo pa casa.

Importante:

- Trayer envases pequeños pa llevar el menú.
- Nun se necesita trayer envase pal postre.
- El menú contién lleche y gluten. Rogamos que comuniquéis enantes al Botánicu alerxes o intolerancies.

Sábadu 13 d'abril / 11:00 a 14:00 h

Arte y diversidá: La fotografía como terapia



Pónlu: Colectivo Berde y Javier Bejarano

Persones adultes

Taller empobináu a persones adultes con diversidá funcional (abiertu a toles persones intereses na materia).

Nesti taller que pon el fotógrafu y músicu Javier Bejarano, vamos usar la fotografía como si d'un diariu se tratara. Un espaciu nel que posar el nuestro dolor, pero tamién la nuestra esperanza y alegría. Arte y naturaleza como terapia énte la voráxine d'anguaño. Too ello cola ayuda de los nuestros teléfonos y una cámara polaroid pequeña, que van facer les veces d'espeyu onde reflexanos. Imprescindible acudir con un teléfonu móvil con cámara.

/ Actividá gratuita.



abril

Domingu, 14 d'abril / 10.30 a 12.30 h

Les aves del Botánicu



Guía: Colectivo Ornitológico "Carbayera del Tragamón"

Xeneral

Los segundos domingos de cada mes, vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren neste espaciu.

/ Actividá incluyida cola entrada al Botánicu.

/ Inscripción previa en T. 985 185 130



ESPECIAL ANIVERSARIU

Primavera nel Botánicu

sábadu 20 y domingu 21 d'abril
Entrada gratuita
pieslle a les 20:00 h

Xixón tien l'arguyu de tener l'únicu xardín Botánicu de la cordal cantábrica dende va 21 años. Pa celebrar l'aniversariu del xardín entamamos delles actividaes al rodiu de dalgunos de los aspeutos que marquen la diferencia ente un xardín, por guapu que seya, y un Botánicu: la conservación, la investigación y la divulgación.

Naguamos porque les actividaes que preparamos, partiendo de la idea de los herbarios botánicos, seyan del vuestru agradu y vos suméis a esta celebración tan especial.

Esposición: Un herbariu lorquianu

Collabora: Asociación d'Amigos del Xardín Botánicu de Xixón

Dende güei y hasta finales d'ochobre va poder vese la esposición "Un herbariu lorquianu", na que vamos repasar les plantes mencionaes na obra de Federico García Lorca. La esposición arranca nes vitrines allugaes a la entrada del xardín y complementase con extractos de les obres de Lorca xunto a les plantes que se mencionen, animando a percorrer el xardín lleendo a ún de los nuestros autores más reconocíos.



Sábadu 20 d'abril

12:00 h

Documental: Homo botanicus

El Botánicu Julio Betancur y el so discípulu, Cristian Castro, percuernen la selva tropical de Colombia, pa identificar y clasificar les especies de plantes del país. Un llabor delles veces insensatu y absurdu que nos guía hacia la poesía del científicu y les sos obsesiones pa comprender la historia de la Naturaleza. Una visión maraviyosa del trabayu de campu qu'hai tres de la creación d'un herbariu.

Dirección: Guillermo Quintero

Nacionalidad: Colombia, Fracia

Duración: 88´

/ Entrada llibre hasta completar aforu.

12:00 a 14:00 h

Cuadernu d'aromátiques

Pónlu: Verónica G. Ardura y Cristina Moneo



Persones adultes

Hai munchos tipos d'herbarios: científicos, poéticos, íntimos... y tamién artísticos, como'l que vos proponemos esta mañana. Vamos facer un cuadernín desplegable a mou d'Herbario onde vamos dir colocando los estudios que se faigan de les distintes plantes aromátiques que tean disponibles nesi momentu.

12:00 a 14:00 h

Visita guiada especial: Un herbariu lorquianu

Nesta visita guiada especial va esplicase la esposición Un herbariu lorquianu y va facese un paséu poel xardín siguiendo los pasos de les cites botániques de Lorca al tiempu que s'espliquen los espacios que se percuernen.



16:00 a 18:00 h

Visita guiada especial: Un herbariu lorquianu



Nesta visita guiada especial va esplicase la esposición Un herbariu lorquianu y va facese un paséu poel xardín siguiendo los pasos de les cites botániques de Lorca al tiempu que s'espliquen los espacios que se percuernen.

18:30 h

Conciertu: Flores grises, con Carla Armas

Amor, naturaleza y un mundu onde la maquinaria se destruye a ella mesma... son temas recurrentes na obra de Federico García Lorca, y van ser los sos versos los que nos ayuden a coneutar cantares y ideas pa responder a la gran entruiga ¿sedrá posible la solución del problema?

/ Entrada llibre hasta completar aforu



Domingo 21 de abril

11:00 a 14:00 h Cuadernu d'aromátiques

Pónlu: Verónica G. Ardura y Cristina Moneo

Familiar (> 7 años)

Hai munchos tipos d'herbarios: científicos, poéticos, íntimos... y tamién artísticos, como'l que vos proponemos esta mañana. Vamos facer un cuadernín desplegable a mou d'Herbario onde vamos dir colocando los estudios que se faigan de les distintes plantes aromátiques que tean disponibles nesi momentu.

12:00 a 14:00 h. Visita guiada especial: Un herbariu lorquianu

Nesta visita guiada especial va esplicase la esposición Un herbariu lorquianu y va facese un paséu poel xardín siguiendo los pasos de les cites botániques de Lorca al tiempu que s'esplicuen los espacios que se percuerren.

12:30 a 14:00 h. Llectura poética: Lorca

El Requexu de la Poesía del Xardín Botánicu Atlánticu dedícase esta primavera, como nun podía ser d'otru mou, a Federico García Lorca. El grupu de poesía Encadenados va facer esti día una llectura poética dedicada al autor granadín.

16:00 a 18:00 h Visita guiada especial: Un herbariu lorquianu



Nesta visita guiada especial va esplicase la esposición Un herbariu lorquianu y va facese un paséu poel xardín siguiendo los pasos de les cites botániques de Lorca al tiempu que s'esplicuen los espacios que se percuerren.

18:00 h Documental: Homo botanicus

El Botánicu Julio Betancur y el so discípulu, Cristian Castro, percuerren la selva tropical de Colombia, pa identificar y clasificar les especies de plantes del país. Un llabor delles veces insensatu y absurdu que nos guía hacia la poesía del científicu y les sos obsesiones pa comprender la historia de la Naturaleza. Una visión maraviyosa del trabayu de campu qu'hai tres de la creación d'un herbariu.

Direición: Guillermo Quintero
Nacionalidá: Colombia, Francia
Duración: 88´

/ Entrada llibre hasta completar aforu



abril

Xueves 25 d'abril / a les 19:00 h / Na Antigua Escuela de Comerci. **De charra col Botánicu: Fueyos vivos pa fomentar la biodiversidá urbana**

La xestión de los espacios verdes públicos busca crear ciudaes más saludables, pente medies del usu sostenible de fitosanitarios, la xestión basada en métodos non químicos, el fomentu de la biodiversidá urbana, y la naturalización de les ciudaes. Son Soluciones basaes na Naturaleza (SbN), qu'introducen la naturaleza na ciudá creando nuevos espacios d'oportunidad pa fomentar la biodiversidá urbana y ameyorar la calidá de vida de les nuestres ciudaes.

Con Lorena Escuer: bióloga pola Universidá de Navarra, asesora en Xestión integrada de plagues y especialista en control biolóxicu pola Universidá d'Alicante. Trabayos que combina cola divulgación ambiental en radio y televisión.

/ Entrada llibre hasta completar aforu

Sábadu, 27 d'abril / 11:00 a 14:00 h **Güertu urbanu: cultivu de tomates**



Pónlu: Biohuerting

Persones adultes

¿Intentasti cultivar tomates colos saberes del pasáu y namás que conseguisti frustración? Entós esti ye'l to taller. Amosámoste tolos pasos pa controlar el procesu dende la semiente hasta'l frutu maduru, con éxitu y dende la perspeutiva d'un cultivu natural y respetuosu col mediu ambiente. Vamos depender amás a cultivar variedaes úniques ancestrales, que llegaron intautes hasta anguaño.


Domingu, 28 d'abril / 12:00 a 14:00 h

Manes a la güerta

Pónlu: Jarana05

Familiar (> 4 años)

Vuelve la primavera y con ella más hores de lluz y calor. Toca empecipiar a preparar la nuestra güerta: hai que diseñar, llimpia, plantar y semar. Esti añu la collecha de branu va ser espectacular. ¡Trabayar la güerta nunca foi tan prestoso!



mayu

Sábadu, 4 de mayu / 12:00 a 14:00 h

Relaxación na naturaleza

Pónlu: Dolores Rizo (psicóloga)

Persones adultes

Delles veces la presión ambiental cáusanos malestar, pero podemos deprender a relaxanos y a recuperar l'equilibriu. Nesti taller práuticu vamos tar en contactu cola naturaleza pa que la nuestra mente deprenda a tar bien, beneficiándose del silenciu y de los soníos del Botánicu.

Domingu, 5 de mayu / 6:30 a 8:00 h

Coru de l'alborada

Guía: Picatuero

Persones adultes

El coru de l'alborada asocede cuando los páxaros canten nel entamu d'un día nuevu. El Día Internacional del Coru de l'Alborada celébrase tolos años el primer Domingu de mayu. Queremos animar a les y los nuestros visitantes a que se llevanten mui ceo y vengan al Botánicu nesta apertura esceicional pa llegar a tiempu de sentir el coru nun paséu guiáu.

Domingu, 5 de mayu / 14:00 a 16:00 h

L.E.V. Festival

Entraes y info: www.levfestival.com



Conciertu silenciosu con auriculares. Más información na web del L.E.V. Festival. L.E.V. Festival, Laboratoriu d'Electrónica Visual, celebra la so edición 18ª en Xixón y vuelve a la Llaguna Boreal del Xardín Botánicu Atlánticu con dos actuaciones matinales en direuto de los artistes de música electrónica esperimental británicos Scanner y Sophia Loizou, que van poder disfrutase al traviés d'auriculares inalámbricos.

Sábadu 11 de mayu / de 11:00 a 14:00 h

Arte y diversidá: Planta stamp, estampación d'elementos botánicos



Pónlu: Colectivo Berde y Álvaro Baena

Persones adultes

Taller empobináu a persones adultes con diversidá funcional (abiertu a toles persones intereses na materia)

Averamientu a la estampación d'elementos botánicos, partiendo de distintos procedimientos de grabáu; monotipos, litografía en poliéster, carváu... van entintase les matrices y van presionase con baren o otros preseos, obteniendo asina una imaxe impresa. Va procurase que les testures vexetales (táctiles o visuales) garren relevancia.

/ Actividá gratuita.



Primavera nel Botánicu

Domingu, 12 de mayu / 10.30 a 12.30 h

Les aves del Botánicu

Guía: Colectivo Ornitológico "Carbayera del Tragamón"

Xeneral

Los segundos domingos de cada mes, vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren neste espaciu.

/ Actividá incluyida cola entrada al Botánicu. / Inscripción previa en T. 985 185 130

Sábadu 18 de mayu / 11:00 a 14:00 h

Cómo facer meyores fotos

Pónlu: Ramón Navarro, de Fotografía desde Cero

Persones adultes

¿La playa ye paradisíaca pero nes fotos paez una escombrera? ¿Mandástilos posar media hora pero nes semeyes paecen hobbits? Esos son problemes d'encuadre y d'axustes que pueden solucionase fácil coles indicaciones que vamos apurrite mientras damos un paséu pel xardín.

Domingu 19 de mayu / 12:00 a 14:00 h

Cómo facer meyores fotos

Pónlu: Ramón Navarro, de Fotografía desde Cero

Familiar (> 6 años)

¿La playa ye paradisíaca pero nes fotos paez una escombrera? ¿Mandástilos posar media hora pero nes semeyes paecen hobbits? Esos son problemes d'encuadre y d'axustes que pueden solucionase fácil coles indicaciones que vamos apurrite mientras damos un paséu pel xardín.

Jueves 23 de mayu / a las 19:00 h / En Antigua Escuela de Comercio



De charla con el Botánicu: Historia natural de la Amazonía

Entama: Asociación d'Amigos del Xardín Botánicu de Xixón.

La selva amazónica ye'l llugar de mayor biodiversidá del planeta. Un llaboratoriu de la evolución mui activu que permite la esistencia d'hasta 600 ambientes diferentes pa la vida. Nesti viaxe introductoriu a la rexón amazónica, vamos percorrer la so historia xeolóxica, amás de la flora y fauna más representatives, descubriendo les interacciones fascinantes ente les sos especies.

Con Jose María Fdez. Díaz-Formentí: médicu y naturalista, doctorandu n'Historia pola Universidá d'Uviéu, especializáu na naturaleza d'Asturies y na naturaleza, historia y antropoloxía d'América del Sur.

/ Entrada llibre hasta completar aforu.



Primavera nel Botánicu



Sábadu 25 de mayu / 11:00 a 14:00 h

Impresión botánica

Pónlu: Alba Rueda @provatoosheep

Persones adultes

Vamos descubrir cómo fueyes y flores pueden dexar buelga nos texíos. Vamos identificar nel xardín el material vexetal col que vamos trabayar, pa pañalo siempre de manera responsable. Vamos deprender a facer el nostru herbariu propiu y otre téuniques de conservación pa disponer de fueyes y flores tol añu coles que vamos estampar les prendas (camisetas, pañuelos...) que vamos poder usar. El públicu participante va facer una bolsa d'algodón estampada con fueyes del Botánicu. Nun ye necesaria esperiencia previa.


Domingu 26 de mayu / 11:00 a 14:00 h

Impresión botánica

Pónlu: Alba Rueda @provatoosheep

Familiar (> 6 años)

Vamos descubrir cómo fueyes y flores pueden dexar buelga nos texíos. Vamos identificar nel xardín el material vexetal col que vamos trabayar, pa pañalo siempre de manera responsable. Vamos deprender a facer el nostru herbariu propiu y otre téuniques de conservación pa disponer de fueyes y flores tol añu coles que vamos estampar les prendas (camisetas, pañuelos...) que vamos poder usar. El públicu participante va facer una bolsa d'algodón estampada con fueyes del Botánicu. y el públicu infantil, amás, va llevar el so herbariu propiu fechu cola téunica d'impresión "hapa zome". Nun ye necesaria esperiencia previa.



junio

Sábadu, 1 de xunu / 11:00 a 14:00 h

Esperiencias de floresta: el xardín al traviés de la meditación, el soníu y l'arte.

Pónlu: Sergio Santurio

Persones adultes

Sergio Santurio convídanos a axuntanos pa esplorar el xardín penter medies de dinámiques venceyaes cola naturaleza, el bañu de viesca o shinrin yoku y les vivencies de los árboles. Depués vamos xugar cola acuarela y los pigmentos plasmando emociones o idees al traviés del arte experimental.

- Nun son necesarios conocimientos previos.
- Nun ye necesario saber dibuxar.
- Tolos materiales tán incluyíos.
- Traer ropa cómodo.



Sábadu 8 de xunu / 11:00 a 14:00 h

Arte y diversidá: El to propiu color

Pónlu: Colectivo Berde y Alfonso Martín

Persones adultes

Taller empobináu a persones adultes con diversidá funcional (abiertu a toles persones intereses na materia).

Pintar nun ye namás representar la forma y el color de les coses, sinón tamién captar la so espresión. Vamos entamar un taller de pintura nel que vamos desenvolver de forma práctica los conceutos elementales qu'espliquen el llinguaxe del color. Vamos facer un estudiu pictóricu experimental orientáu a los conteníos propuestos nesti proyeutu.

/ Actividá gratuita

Domingu, 9 de xunu / 10.30 a 12.30 h

Les aves del Botánicu



Guía: Colectivo Ornitológico "Carbayera del Tragamón"

Xeneral

Los segundos domingos de cada mes, vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren neste espaciu.

/ Actividá incluyida cola entrada al Botánicu.

/ Inscripción previa en T. 985 185 130



Primavera nel Botánicu

Xueves 13 de xunu / 19:00 h / Na Antigua Escuela de Comerci

De charra col Botánicu: El papel de les muyeres nel estudiu y la representación de la botánica

Un percorríu pela vida y obra d'illustradoras científiques botániques, frutu de la investigación fecha poles profesores de Belles Artes, Lucía Moreno Diz, Ana Jiménez Revuelta y Toya Legido, que se materializó na publicación de *Ellas ilustran botánica* y foi arriqueciéndose adúlces coles aportaciones d'otres muyeres.

Con Toya Legido y Lucía M. Díz: profesores de belles artes, venceyaes a distintos grupos d'investigación sobre arte y naturaleza.

/ Entrada llibre hasta completar aforu

Sábadu 15 de xunu / 12:00 a 14:00 h

Caparines

Pónlu: Alberto Martínez (Taxus)



Persones adultes

Ye primavera, y seguramente'l meyor momentu del añu pa ver caparines. De la mano d'Alberto García, espertu en lepidópteros, vamos conocer un poco más sobre la vida d'esos polinizadores tan guapos y vamos deprender a identificar les especies más comunes na nuestra zona al tiempu que damos un paséu poel Botánicu.


Domingu 16 de xunu / 12:00 a 14:00 h


Mariposas

Pónlu: Alberto Martínez (Taxus)

Familiar (> 8 años)

Ye primavera, y seguramente'l meyor momentu del añu pa ver caparines. De la mano d'Alberto García, espertu en lepidópteros, vamos conocer un poco más sobre la vida d'esos polinizadores tan guapos y vamos deprender a identificar les especies más comunes na nuestra zona al tiempu que damos un paséu poel Botánicu.





Xixón



www.botanico.gijon.es / [jbatlantico](https://www.instagram.com/jbatlantico) 